

Broj: 01/1-45-_____/25
Bihać, 23.9.2025.godine

**Zapisnik sa 6. vanredne sjednice
Skupštine Unsko – sanskog kantona, koja je održana 23.9.2025.godine**

6. vanredna sjednica Skupštine Unsko – sanskog kantona održala se u utorak 23.9.2025.godine s početkom rada u 16:00, u sali za sjednice Skupštine Unsko – sanskog kantona, ul. Alije Đerzeleza br. 2. u Bihaću.

Zikrija Duraković, predsjedavajući Skupštine Unsko-sanskog kantona pozdravio je prisutne, te ih upoznao da je, postupajući po zahtjevu 1/3 zastupnika u Skupštini Unsko-sanskog kantona, sazvaio 6. vanrednu sjednicu Skupštine Unsko-sanskog kantona. On je također naglasio da se dnevni red utvrđuje na sjednici, a zatim je zamolio da neko od zastupnika koji su potpisnici zahtjeva za sazivanje 6. vanredne sjednice Skupštine Unsko-sanskog kantona obrazloži razloge za sazivanje sjednice i predloži dnevni red.

Za riječ se javio zastupnik Nisvet Jusić koji je pozdravio prisutne, te u ime 1/3 zastupnika u Skupštini Unsko-sanskog kantona koji su podnijeli zahtjev za sazivanje 6. vanredne sjednice Skupštine obavijestio javnost da trenutno postoji nova parlamentarna većina u Skupštini Unsko-sanskog kantona, a zatim je predložio sljedeći

Dnevni red

1. a) Odluka o razrješenju kandidata za mjesto predsjedavajućeg ili zamjenika predsjedavajućeg Skupštine Unsko-sanskog kantona iz reda kluba poslanika Bošnjaka;
b) Odluka o potvrđivanju kandidata za mjesto predsjedavajućeg ili zamjenika predsjedavajućeg Skupštine Unsko-sanskog kantona iz reda kluba poslanika Bošnjaka;
c) Upoznavanje sa Odlukom u izboru predsjedavajućeg i zamjenika predsjedavajućeg Skupštine Unsko-sanskog kantona,
2. Odluka o izmjeni Odluke u izboru predsjedavajućeg, zamjenika predsjedavajućeg i članova radnih tijela Skupštine Unskog-sanskog kantona,
3. a) Odluka o razrješenju vlade Unsko-sanskog kantona;
b) Odluka o potvrđivanju vlade Unsko-sanskog kantona,
4. Prijedlog odluke o razrješenju članova Skupštine ŠPD Unsko-sanske šume d.o.o. Bosanska Krupa i prijedlog Odluke o imenovanju privremenih članova Skupštine ŠPD Unsko-sanske šume d.o.o. Bosanska Krupa.

Zatim je predsjedavajući Skupštine Unsko-sanskog kantona zatražio od g-dina Jusića dodatna pojašnjenja u pogledu dnevnog reda, obzirom da je na osnovu materijala koji su zaprimljeni u Službi Skupštine vidljivo da se dnevni red sastoji od šest tačaka, dok je iz izlaganja g-dina Jusića vidljivo da se dnevni red sastoji od četiri tačke.

Shodno navedenom, zastupnik Nisvet Jusić je konstatovao, da nije upoznat sa navodima predsjedavajućeg Skupštine, te je zamolio da se Skupština Unsko-sanskog kantona kreće u okviru predloženog dnevnog reda.

Zatim je predsjedavajući Skupštine otvorio raspravu.

Obzirom da nije bilo prijavljenih za diskusiju, predsjedavajući Skupštine je zatvorio raspravu i zamolio zastupnike da se izjasne o predloženom dnevnom redu.

Sa 16 glasova „za“, 8 glasova „protiv“, 2 glasa „suzdržan“, dnevni red 6. vanredne sjednice Skupštine Unsko-sanskog kantona, dobio je potrebnu većinu.

Predsjedavajući Skupštine je konstatovao, da sjednici prisustvuje 26 zastupnika i da je obezbjeđen kvorum za rad.

RASPRAVA I ODLUČIVANJE PO UTVRĐENOM DNEVNOM REDU

Ad.1.

- a) Odluka o razrješenju kandidata za mjesto predsjedavajućeg ili zamjenika predsjedavajućeg Skupštine Unsko-sanskog kantona iz reda kluba poslanika Bošnjaka.**
- b) Odluka o potvrđivanju kandidata za mjesto predsjedavajućeg ili zamjenika predsjedavajućeg Skupštine Unsko-sanskog kantona iz reda kluba poslanika Bošnjaka.**
- c) Upoznavanje sa Odlukom u izboru predsjedavajućeg i zamjenika predsjedavajućeg Skupštine Unskog-sanskog kantona.**

Zikrija Duraković, predsjedavajući Skupštine Unsko-sanskog kantona upoznao je prisutne da će se objediniti rasprava po predmetnoj tački dnevnog reda, s tim da će se zastupnici pojedinačno izjasniti o svakoj odluci.

Zatim je predsjedavajući Skupštine konstatovao, da je održana 1. vanredna sjednica Kluba poslanika Bošnjaka, te je shodno tome zamolio izvjestioca ispred Kluba poslanika Bošnjaka da upozna Skupštinu Unsko-sanskog kantona sa odlukama koje su usvojene na navedenoj sjednici.

Zastupnica Azra Tajić upozнала je Skupštinu Unsko-sanskog kantona da je postupajući po zahtjevu i ovlaštenju 1/3 zastupnika u Skupštini, sazvala 1. vanrednu sjednicu Kluba poslanika Bošnjaka, te da je na istoj razmatran sljedeći

Dnevni red

1. Odluka o razrješenju predsjedavajućeg i zamjenika predsjedavajućeg Kluba poslanika Bošnjaka,
2. Odluka o imenovanju predsjedavajućeg i zamjenika predsjedavajućeg Kluba poslanika Bošnjaka,
3. Odluka o razrješenju Duraković Zikrije sa pozicije kandidata za predsjedavajućeg ili zamjenika predsjedavajućeg u Skupštini Unsko-sanskog kantona iz reda Kluba poslanika Bošnjaka,
4. Odluka o imenovanju kandidata za predsjedavajućeg ili zamjenika predsjedavajućeg u Skupštini Unsko-sanskog kantona iz reda Kluba poslanika Bošnjaka.

Azra Tajić upoznala je prisutne da je Klub poslanika Bošnjaka na 1. vanrednoj sjednici donio Odluku o razrješenju predsjedavajućeg i zamjenika predsjedavajućeg Kluba poslanika Bošnjaka u Skupštini Unsko-sanskog kantona kojom je Jasmin Musić razrješen sa pozicije predsjedavajućeg kluba i Zinajda Hadžić sa pozicije zamjenice predsjedavajućeg kluba. Ona je također naglasila da je Klub poslanika Bošnjaka donio Odluku o imenovanju predsjedavajućeg i zamjenika predsjedavajućeg Kluba poslanika Bošnjaka kojom je Azra Tajić imenovana za predsjedavajuću kluba i Amir Murić za zamjenika predsjedavajućeg kluba.

Također g-đa Tajić je konstatovala, da je Klub poslanika Bošnjaka donio Odluku o razrješenju Duraković Zikrije sa pozicije kandidata za predsjedavajućeg ili zamjenika predsjedavajućeg u Skupštini Unsko-sanskog kantona iz reda Kluba poslanika Bošnjaka.

Shodno odredbi člana 10. stav (1) Poslovnika Skupštine Unsko-sanskog kantona kojom je propisano da svaki klub naroda predlaže jednog kandidata za mjesto predsjedavajućeg ili zamjenika predsjedavajućeg Skupštine Unsko-sanskog kantona, Klub poslanika Bošnjaka donio je sljedeću:

ODLUKU

Nisvet Jusić iz reda Kluba poslanika Bošnjaka, imenuje se za kandidata za predsjedavajućeg ili zamjenika predsjedavajućeg u Skupštini Unsko-sanskog kantona.

Predsjedavajući Skupštine Unsko-sanskog kantona zahvalio se g-đi Tajić na izlaganju, a zatim je otvorio raspravu.

Učešće u diskusiji uzeli su: Zikrija Duraković, Asmir Ćufurović, Emir Dautović.

Obzirom da više nije bilo prijavljenih za diskusiju, predsjedavajući Skupštine je zatvorio raspravu i dao na izjašnjavaње:

- a) Odluka o razrješenju kandidata za mjesto predsjedavajućeg ili zamjenika predsjedavajućeg Skupštine Unskog-sanskog kantona iz reda kluba poslanika Bošnjaka.

Sa 16 glasova „za“, 9 glasova „protiv“, 1 glasom „suzdržan“, Skupština Unsko-sanskog kantona donosi

ODLUKU

o razrješenju kandidata za mjesto predsjedavaćeg ili zamjenika predsjedavaćeg Skupštine Unskog-sanskog kantona iz reda kluba poslanika Bošnjaka

I

Zikrija Duraković iz reda Kluba poslanika Bošnjaka, razrješava se sa pozicije kandidata za predsjedavajućeg ili zamjenika predsjedavajućeg u Skupštini Unsko-sanskog kantona.

Nakon glasanja, predsjednik Kluba SDA podnio je zahtjev za pojedinačno izjašnjavanje.

S tim u vezi, predsjedavajući Skupštine upoznao je prisutne da je neophodno da Skupština Unsko-sanskog kantona ovlasti Muniru Alagić da provede pojedinačno glasanje na 6. vanrednoj sjednici Skupštine Unsko-sanskog kantona, te je shodno tome zamolio zastupnike da se izjasne o istom.

Sa 20 glasova „za“, bez glasova protiv, 1 glasom „suzdržan“, Skupština Unsko-sanskog kantona donosi

Zaključak

Ovlašćuje se Munira Alagić da provede pojedinačno glasanje na 6. vanrednoj sjednici Skupštine Unsko-sanskog kantona.

Pojedinačnim izjašnjavanjem, sa 17 glasova „za“, 8 glasova „protiv“, 1 glasom „suzdržan“, Odluka o razrješenju kandidata za mjesto predsjedavaćeg ili zamjenika predsjedavaćeg Skupštine Unskog-sanskog kantona iz reda kluba poslanika Bošnjaka, dobila je potrebnu većinu.

- b) Odluka o potvrđivanju kandidata za mjesto predsjedavajućeg ili zamjenika predsjedavajućeg Skupštine Unsko-sanskog kantona iz reda kluba poslanika Bošnjaka.

Sa 16 glasova „za“, 7 glasova „protiv“, 3 glasa „suzdržan“, Skupština Unsko-sanskog kantona donosi

ODLUKU

o potvrđivanju kandidata za mjesto predsjedavajućeg ili zamjenika predsjedavajućeg Skupštine Unsko-sanskog kantona iz reda kluba poslanika Bošnjaka

I

Nisvet Jusić iz reda Kluba poslanika Bošnjaka, potvrđuje se za kandidata za predsjedavajućeg ili zamjenika predsjedavajućeg u Skupštini Unsko-sanskog kantona.

Zatim je Zikrija Duraković čestitao g-dinu Jusić Nisvetu, predsjedavajućem Skupštine, te mu predao vođenje sjednice u punom kapacitetu.

- c) Upoznavanje sa Odlukom u izboru predsjedavajućeg i zamjenika predsjedavajućeg Skupštine Unskog-sanskog kantona.

Nisvet Jusić, predsjedavajući Skupštine upoznao je zastupnike u Skupštini sa Odlukom o izboru predsjedavajućeg i zamjenika predsjedavajućeg Skupštine Unskog-sanskog kantona, a koja glasi:

1. Nisvet Jusić iz reda Kluba poslanika Bošnjaka, imenuje se za predsjedavajućeg Skupštine Unsko-sanskog kantona.
2. Ines Delić, iz reda Kluba poslanika Hrvata, imenuje se za zamjenicu predsjedavajućeg Skupštine Unsko-sanskog kantona.
3. Mladen Lonić, iz reda Kluba poslanika Srba, imenuje se za zamjenika predsjedavajućeg Skupštine Unsko-sanskog kantona.

Nakon upoznavanja sa predmetnom Odlukom, Nisvet Jusić, predsjedavajući Skupštine pozdravlja sve prisutne i zahvaljuje se na ukazanom povjerenju, nakon čega prelazi na tačku 2. dnevnog reda.

Ad.2.

Odluka o izmjeni Odluke u izboru predsjedavajućeg, zamjenika predsjedavajućeg i članova radnih tijela Skupštine Unskog-sanskog kantona

Nisvet Jusić, predsjedavajući Skupštine Unsko-sanskog kantona obrazložio je prijedlog Odluke o izmjeni Odluke u izboru predsjedavajućeg, zamjenika predsjedavajućeg i članova radnih tijela Skupštine Unsko-sanskog kantona, a zatim je otvorio raspravu.

Obzirom da nije bilo prijavljenih za diskusiju, predsjedavajući Skupštine je zatvorio raspravu i zamolio zastupnike da se izjasne o prijedlogu Odluke o izmjeni Odluke u izboru predsjedavajućeg, zamjenika predsjedavajućeg i članova radnih tijela Skupštine Unsko-sanskog kantona.

Sa 16 glasova „za“, 8 glasova „protiv“, 2 glasa „suzdržan“, Skupština Unsko-sanskog kantona donosi

ODLUKU

o izmjeni Odluke u izboru predsjedavajućeg, zamjenika predsjedavajućeg i članova radnih tijela Skupštine Unsko-sanskog kantona

U Odluci o izboru predsjedavajućeg, zamjenika predsjedavajućeg i članova radnih tijela Skupštine Unsko-sanskog kantona za mandatni period 2022-2026.godine („Službeni glasnik Unsko-sanskog kantona“, br. 4/24, 26/24 i 9/25), član 3. mijenja se i glasi:

U Komisiju za izbor, imenovanja i finansijsko-administrativna pitanja imenuju se:

1. Almin Hopovac, predsjedavajući
2. Samir Ikanović, zamjenik predsjedavajućeg
3. Azra Tajić, član
4. Irma Fatkić, član
5. Elvir Risović, član

Ad.3

a) Odluka o razrješenju Vlade Unsko-sanskog kantona

b) Odluka o potvrđivanju Vlade Unsko-sanskog kantona

Nisvet Jusić, predsjedavajući Skupštine Unsko-sanskog kantona upoznao je prisutne da je od strane Kluba zastupnika Narodnog Evropskog Saveza u Skupštini Unsko-sanskog kantona zaprimljena inicijativa za izglasavanje nepovjerenja premijeru i ministrima u Vladi Unsko-sanskog kantona, a zatim je dao riječ Hušić Nijazu, premijeru Unsko-sanskog kantona.

Nijaz Hušić, premijer Unsko-sanskog kantona zahvalio se svima na dosadašnjem radu i razumijevanju.

Zatim je predsjedavajući Skupštine otvorio raspravu.

Obzirom da nije bilo prijavljenih za diskusiju, predsjedavajući Skupštine je zatvorio raspravu i dao pauzu u trajanju od 10 minuta za sjednicu Komisije za izbor, imenovanja i finansijsko-administrativna pitanja.

Nakon završene pauze, Almin Hopovac, predsjedavajući Komisije za izbor, imenovanja i finansijsko-administrativna pitanja upoznaje Skupštinu Kantona da je Mustafa Ružnić, kandidat za mjesto premijera Unsko-sanskog kantona dostavio prijedloge kandidata za ministre u Vladi Unsko-sanskog kantona sa biografijama, a koji je upućen, bez odlaganja, od strane predsjedavajućeg Skupštine Unsko-sanskog kantona.

Komisija je razmotrila navedeni prijedlog i dostavljene biografije, te je jednoglasno prihvatila prijedlog kandidata za ministre u Vladi Unsko-sanskog kantona, zatim se pristupilo utvrđivanju prijedloga Odluke o potvrđivanju Vlade Unsko-sanskog kantona, i to:

1. Mustafa Ružnić, premijer Unsko – sanskog kantona,
2. Sanela Zečirević, ministrica Ministarstva pravosuđa i uprave,
3. Samra Mehić, ministrica Ministarstva privrede,
4. Štefica Grgić, ministrica Ministarstva zdravstva, rada i socijalne politike,
5. Denis Osmankić, ministar Ministarstva obrazovanja, nauke, kulture i sporta,
6. Almir Zulić, ministar Ministarstva za pitanja boraca i ratnih vojnih invalida,
7. Danko Jakšić, ministar Ministarstva finansija,
8. Edvin Odošić, ministar Ministarstva za građenje, prostorno uređenje i zaštitu okoliša,
9. Edvin Alijanović, ministar Ministarstva poljoprivrede, vodoprivrede i šumarstva,
10. Adnan Habibija, ministar Ministarstva unutrašnjih poslova.

Nakon pročitane prijedloga Odluke, g-din Hopovac je konstatovao, da je Komisija za izbor, imenovanja i finansijsko-administrativna pitanja jednoglasno utvrdila prijedlog Odluke o potvrđivanju Vlade Unsko-sanskog kantona i isti prosljedila Skupštini na dalje odlučivanje.

Zatim predsjedavajući Skupštine Unsko-sanskog kantona daje na izjašnjavanje

ODLUKU
o razrješenju vlade Unsko-sanskog kantona

Razrješavaju se dužnosti i funkcije premijer i ministri u Vladi Unsko-sanskog kantona, i to:

1. Nijaz Hušić, premijer Unsko – sanskog kantona,
2. Dragan Polimanac, ministar Ministarstva pravosuđa i uprave,
3. Armin Kardašević, ministar Ministarstva privrede,
4. Zemina Kadirić, ministrica Ministarstva zdravstva, rada i socijalne politike,
5. Denis Osmankić, ministar Ministarstva obrazovanja, nauke, kulture i sporta,
6. Almir Tutić, ministar Ministarstva za pitanja boraca i ratnih vojnih invalida,
7. Danko Jakšić, ministar Ministarstva finansija,
8. Almir Imširović, ministar Ministarstva za građenje, prostorno uređenje i zaštitu okoliša,
9. Edvin Alijanović, ministar Ministarstva poljoprivrede, vodoprivrede i šumarstva,
10. Adnan Habibija, ministar Ministarstva unutrašnjih poslova.

Sa 16 glasova „za“, bez glasova „protiv“, 1 glasom „suzdržan“, Odluka o razrješenju Vlade Unskog-sanskog kantona, dobila je potrebnu većinu.

Nisvet Jusić, predsjedavajući Skupštine Unsko-sanskog kantona dao je riječ budućem premijeru Unsko-sanskog kantona Ružnić Mustafi da iznese svoj ekspoze i plan o radu Vlade Unsko-sanskog kantona.

Zatim je predsjedavajući Skupštine Unsko-sanskog kantona dao na izjašnjanje

ODLUKU
o potvrđivanju vlade Unsko-sanskog kantona

Ovom Odlukom potvrđuje se Vlada Unsko – sanskog kantona koju čine premijer i ministri u sljedećem sastavu:

1. Mustafa Ružnić, premijer Unsko – sanskog kantona,
2. Sanela Zečirević, ministrica Ministarstva pravosuđa i uprave,
3. Samra Mehić, ministrica Ministarstva privrede,
4. Štefica Grgić, ministrica Ministarstva zdravstva, rada i socijalne politike,
5. Denis Osmankić, ministar Ministarstva obrazovanja, nauke, kulture i sporta,
6. Almir Zulić, ministar Ministarstva za pitanja boraca i ratnih vojnih invalida,
7. Danko Jakšić, ministar Ministarstva finansija,
8. Edvin Odobašić, ministar Ministarstva za građenje, prostorno uređenje i zaštitu okoliša,
9. Edvin Alijanović, ministar Ministarstva poljoprivrede, vodoprivrede i šumarstva,
10. Adnan Habibija, ministar Ministarstva unutrašnjih poslova.

Sa 16 glasova „za“, bez glasova „protiv“, 1 glasom „suzdržan“, Odluka o potvrđivanju Vlade Unsko-sanskog kantona, dobila je potrebnu većinu.

Predsjedavajući Skupštine Unsko-sanskog kantona čestita imenovanim članovima Vlade Unsko-sanskog kantona, te ih shodno odredbama Zakona o Vladi Unsko-sanskog kantona i Poslovnika Skupštine poziva da zajedno s njim ponove tekst svečane izjave, nakon čega će preuzeti funkcije i dužnost premijera, ministrice i ministara u Vladi Unsko-sanskog kantona.

Tekst svečane izjave:

SVEČANA IZJAVA

„Svečano izjavljujem da ću povjerenu dužnost i funkciju ministra, odnosno ministrice u Vladi Unsko-sanskog kantona obavljati savjesno, odgovorno i profesionalno, poštivajući Ustav, zakone i druge propise države Bosne i Hercegovine, Federacije Bosne i Hercegovine i Unsko-sanskog kantona, štititi ljudska prava i građanske slobode i brinuti se o ravnopravnostima i pravima svih naroda i građana Bosne i Hercegovine i Unsko-sanskog kantona“.

Nakon davanja svečane izjave, pauza u trajanju od 10 minuta.

Nakon završene pauze, Skupština Unsko-sanskog kantona je nastavila sa radom.

Ad.4.

Prijedlog odluke o razrješenju članova Skupštine ŠPD Unsko-sanske šume d.o.o. Bosanska Krupa i prijedlog Odluke o imenovanju privremenih članova Skupštine ŠPD Unsko-sanske šume d.o.o. Bosanska Krupa.

Izjavitelj: Almin Hopovac, predsjedavajući Komisije za izbor, imenovanja i finansijsko-administrativna pitanja.

Bez rasprave, sa 17 glasova „za“, bez glasova „protiv“, bez glasova „suzdržan“, prijedlog odluke o razrješenju članova Skupštine ŠPD Unsko-sanske šume d.o.o. Bosanska Krupa, dobio je potrebnu većinu.

Bez rasprave, sa 17 glasova „za“, bez glasova „protiv“, bez glasova „suzdržan“, prijedlog Odluke o imenovanju privremenih članova Skupštine ŠPD Unsko-sanske šume d.o.o. Bosanska Krupa, dobio je potrebnu većinu.

S ovim je završena 6. vanredna sjednica Skupštine Unsko-sanskog kantona.

Sekretar Skupštine
Unsko-sanskog kantona
Dragana Bajrić, dipl.pravnik

Predsjedavajući Skupštine
Unsko-sanskog kantona
Nisvet Jusić



Broj: 01/1-45- /25
Bihać, 8.12.2025.godine

ZAPISNIK
sa 7. vanredne sjednice Skupštine Unsko-sanskog kantona
održane dana 8.12.2025.godine

7. vanredna sjednica Skupštine Unsko-sanskog kantona održana je dana 8.12.2025.godine (ponedjeljak) s početkom rada u 12:45 sati, u sali za sjednice Skupštine Unsko-sanskog kantona, ulica Alije Đerzeleza broj 2, u Bihaću.

Na sjednici je prisutno 28 zastupnika.

Odsutni su: zastupnik Emir Šabić i zastupnik Hajrudin Halilović.

Nisvet Jusić, predsjedavajući Skupštine Unsko-sanskog kantona pozdravio je sve prisutne u sali, te ih upoznao da je na osnovu člana 49. stav 2. a u vezi sa članom 48. stav 2. Poslovnika Skupštine Unsko-sanskog kantona, postupajući po zahtjevu 1/3 zastupnika u Skupštini Unsko-sanskog kantona, sazvaio 7. vanrednu sjednicu Skupštine Unsko-sanskog kantona.

On je također naglasio da je odredbama Poslovnika Skupštine Unsko-sanskog kantona predviđeno da se dnevni red utvrđuje na samoj sjednici, te da će kao jedan od zastupnika koji su potpisnici zahtjeva za sazivanje 7. vanredne sjednice Skupštine Unsko-sanskog kantona obrazložiti razloge sazivanja sjednice i predložiti dnevni red.

Shodno navedenom, predsjedavajući Skupštine je konstatovao, da je jedna trećina zastupnika dostavila zahtjev za sazivanje vanredne sjednice Skupštine Unsko-sanskog kantona, te da je u svojstvu predsjedavajućeg imao obavezu da sazove 7. vanrednu sjednicu. On je također naglasio da se razlog sazivanja sjednice ogleda u činjenici da je u Skupštini Unsko-sanskog kantona zaprimljen prijedlog Odluke o izmjenama i dopunama Budžeta Unsko-sanskog kantona za 2025.godinu za koji je Vlada Unsko-sanskog kantona predložila da se zbog hitnosti razmatra po skraćenom postupku i u što kraćem vremenskom roku.

Zatim je predsjedavajući Skupštine predložio sljedeći:

Dnevni red

1. Prijedlog Odluke o izmjenama i dopunama Budžeta Unsko-sanskog kantona za 2025.godinu.

Također predsjedavajući Skupštine je naglasio da se zastupnici trebaju izjasniti o prijedlogu Vlade Unsko-sanskog kantona da se prijedlog Odluke o izmjenama i dopunama Budžeta Unsko-sanskog kantona za 2025.godinu razmatra po skraćenom postupku.

Za riječ se javio zastupnik Jasmin Hušić, te u ime Kluba »Narod i pravda« predložio dopunu dnevnog reda na način da se na dnevni red uvrsti prijedlog Odluke o razrješenju članova Skupštine JP „Unsko-sanske novine“ d.o.o. Bihać i prijedlog Odluke o privremenom imenovanju članova Skupštine JP „Unsko-sanske novine“ d.o.o. Bihać.

Zatim je predsjedavajući Skupštine zamolio premijera Unsko-sanskog kantona da obrazloži prijedlog Odluke o izmjenama i dopunama Budžeta Unsko-sanskog kantona za 2025.godinu, kao i razloge za skraćeni postupak.

Mustafa Ružnić, premijer Unsko-sanskog kantona pozdravio je sve prisutne, te konstatovao, da je zbog nemogućnosti preraspodjela unutar budžeta Vlada Kantona krenula u pravcu donošenja rebalansa budžeta kako bi se do kraja godine ispoštovao Zakon o izvršavanju budžeta kao i sam budžet, a posebno u pogledu naknada za liječenje boračkim populacijama pri Ministarstvu za pitanje boraca i ratnih vojnih invalida, zatim podrška i poticajni programi pri Ministarstvu privrede, isplata socijalne pomoći pri Ministarstvu zdravstva, rada i socijalne politike, te plate u predškolskom obrazovanju i Katoličkom školskom centru “Ivan Pavao II” - Bihać pri Ministarstvu obrazovanja, nauke, kulture i sporta.

Nakon izlaganja g-dina Ružnića, predsjedavajući Skupštine je otvorio raspravu.

Za riječ se javio zastupnik Asmir Ćufurović koji je konstatovao, da bi se prijedlog Odluke o izmjenama i dopunama Budžeta Unsko-sanskog kantona za 2025.godinu trebao razmatrati po hitnom, a ne po skraćenom postupku, te je zatražio od sekretara Skupštine dodatna pojašnjenja u vezi sazivanja 7. vanredne sjednice Skupštine Unsko-sanskog kantona.

Obzirom da više nije bilo prijavljenih za diskusiju, predsjedavajući Skupštine je zatvorio raspravu i dao odgovore na postavljena pitanja zastupnika Ćufurović Asmira.

Po Poslovniku za riječ se javio Asmir Ćufurović.

Dragana Bajrić, sekretar Skupštine dala je dodatna pojašnjenja zastupniku Ćufurović Asmiru u vezi sazivanja 7. vanredne sjednice Skupštine Unsko-sanskog kantona.

Zatim je predsjedavajući Skupštine pročitao:

Dnevni red:

1. Prijedlog Odluke o izmjenama i dopunama Budžeta Unsko-sanskog kantona za 2025.godinu,
2. a) Prijedlog Odluke o razrješenju članova Skupštine JP „Unsko-sanske novine“ d.o.o. Bihać,
b) Prijedlog Odluke o privremenom imenovanju članova Skupštine JP „Unsko-sanske novine“ d.o.o. Bihać.

Također predsjedavajući Skupštine zamolio je zastupnike da se izjasne o predloženom dnevnom redu, te je naglasio da se zastupnici ujedno izjašnjavaju i o tome da se prijedlog Odluke o izmjenama i dopunama Budžeta Unsko-sanskog kantona za 2025.godinu razmatra po skraćenom postupku.

Sa 18 glasova »za«, 5 glasova »protiv« i 5 glasova »suzdržan«, predsjedavajući Skupštine je konstatovao, da je predloženi dnevni red dobio potrebnu većinu, te da će se prijedlog Odluke o izmjenama i dopunama Budžeta Unsko-sanskog kantona za 2025.godinu razmatrati po skraćenom postupku.

RASPRAVA I ODLUČIVANJE PO UTVRĐENOM DNEVNOM REDU

Ad.1.

Prijedlog Odluke o izmjenama i dopunama Budžeta Unsko-sanskog kantona za 2025.godinu

Izvjestilac: Danko Jakšić, ministar Ministarstva finansija.

Po Poslovniku za riječ se javila Ines Delić, zamjenica predsjedavajućeg Skupštine koja je konstatovala, da zastupnici nisu dobili na uvid materijale koji se odnose na drugu tačku dnevnog reda, te je shodno tome zamolila da se zastupnicima obezbjeđe predmetni materijali. Ona je također naglasila da se je trebao sazvati Kolegij Skupštine Unsko-sanskog kantona i da su se materijali sa 7. vanredne sjednice Skupštine Unsko-sanskog trebali razmatrati po redovnoj proceduri.

Predsjedavajući Skupštine zamolio je predstavnike Službe Skupštine da zastupnicima dostave materijale koji se odnose na drugu tačku dnevnog reda, a zatim je otvorio raspravu.

Učešće u diskusiji uzela je Elvira Abdić Jelenović.

Nakon završene diskusije zastupnice Elvire Abdić Jelenović, na zahtjev Kluba SDA pauza u trajanju od 15 minuta.

Nakon završene pauze, učešće u diskusiji uzeli su: Asmir Ćufurović, Almin Hopovac, Emir Dautović, Fatka Kulenović, Irma Fatkić, Amir Murić, Zikrija Duraković, Zinajda Hadžić, Elvir Risović, Nijaz Kadirić, Sanil Hasić, Azra Tajić, Azhar Sejarić, Aida Pašić, Šuhret Fazlić, Abid Mulalić, Nisvet Jusić, Ines Delić.

Obzirom da više nije bilo prijavljenih za diskusiju, predsjedavajući Skupštine je zatvorio raspravu i zamolio ministra Ministarstva finansija da odgovori na postavljena pitanja zastupnika.

Danko Jakšić, ministar Ministarstva finansija dao je odgovore na postavljena pitanja zastupnika.

Po Poslovniku za riječ su se javili: Asmir Ćufurović, Emir Dautović, Ines Delić i Zikrija Duraković.

Danko Jakšić, ministar Ministarstva finansija dao je dodatna pojašnjenja zastupnicima u Skupštini Unsko-sanskog kantona.

Sa 20 glasova »za«, bez glasova »protiv« i 6 glasova »suzdržan«, prijedlog Odluke o izmjenama i dopunama Budžeta Unsko-sanskog kantona za 2025.godinu, dobio je potrebnu većinu.

Ad.2.

- a) Prijedlog Odluke o razrješenju članova Skupštine JP „Unsko-sanske novine“ d.o.o. Bihać**
- b) Prijedlog Odluke o privremenom imenovanju članova Skupštine JP „Unsko-sanske novine“ d.o.o. Bihać**

Izvjestilac: Zastupnik Jasmin Hušić, ispred Kluba »Narod i pravda«.

Obzirom da nije bilo prijavljenih za diskusiju, predsjedavajući Skupštine je zatvorio raspravu i zamolio zastupnike da se izjasne:

- a) Prijedlog Odluke o razrješenju članova Skupštine JP „Unsko-sanske novine“ d.o.o. Bihać.

Sa 16 glasova »za«, 6 glasova »protiv« i 4 glasa »suzdržan«, prijedlog Odluke o razrješenju članova Skupštine JP „Unsko-sanske novine“ d.o.o. Bihać, dobio je potrebnu većinu.


- b) Prijedlog Odluke o privremenom imenovanju članova Skupštine JP „Unsko-sanske novine“ d.o.o. Bihać.

Sa 17 glasova »za«, 5 glasova »protiv« i 5 glasova »suzdržan«, prijedlog Odluke o privremenom imenovanju članova Skupštine JP „Unsko-sanske novine“ d.o.o. Bihać, dobio je potrebnu većinu.

S ovim je završena 7. vanredna sjednica Skupštine Unsko-sanskog kantona.

Sekretar Skupštine
Unsko-sanskog kantona
Dragana Bajrić, dipl.pravnik

Predsjedavajući Skupštine
Unsko-sanskog kantona
Nisvet Jusić



Broj: 01/1-45- /25
Bihać, 26.12.2025.godine

ZAPISNIK
sa 8. vanredne sjednice Skupštine Unsko-sanskog kantona
održane dana 26.12.2025.godine

8. vanredna sjednica Skupštine Unsko-sanskog kantona održana je dana 26.12.2025.godine (petak) s početkom rada u 18:25 sati, u sali za sjednice Skupštine Unsko-sanskog kantona, ulica Alije Đerzeleza broj 2, u Bihaću.

Na sjednici je prisutno 28 zastupnika.

Odsutni su: zastupnik Hajrudin Halilović i zastupnica Elvira Abdić Jelenović.

Nisvet Jusić, predsjedavajući Skupštine Unsko-sanskog kantona, pozdravio je sve prisutne u sali, te ih upoznao da je Kolegij Skupštine Unsko-sanskog kantona sazvao 8. vanrednu sjednicu Skupštine Unsko-sanskog kantona i utvrdio prijedlog dnevnog reda 8. vanredne sjednice Skupštine Unsko-sanskog kantona, koji glasi:

Dnevni red:

1. Prijedlog Odluke o davanju saglasnosti na Odluku o privremenom finansiranju Zavoda zdravstvenog osiguranja Unsko-sanskog kantona za period od 1. januara do 31. marta 2026.godine,
2. Prijedlog Odluke o utvrđivanju visine premije za 2026.godinu.

Zatim je predsjedavajući Skupštine otvorio raspravu.

Obzirom da nije bilo prijavljenih za diskusiju, predsjedavajući Skupštine je zatvorio raspravu.

RASPRAVA I ODLUČIVANJE PO UTVRĐENOM DNEVNOM REDU

Predsjedavajući Skupštine predložio je da se objedini izlaganje i rasprava po predmetnim tačkama dnevnog reda.

Ad.1.

Prijedlog Odluke o davanju saglasnosti na Odluku o privremenom finansiranju Zavoda zdravstvenog osiguranja Unsko-sanskog kantona za period od 1. januara do 31. marta 2026.godine

Ad.2.

Prijedlog Odluke o utvrđivanju visine premije za 2026.godinu

Izjavitelj: Ermin Goretić, v.d. direktora Zavoda zdravstvenog osiguranja Unsko-sanskog kantona.

Bez rasprave, sa 24 glasa »za«, bez glasova »protiv« i 1 glasom »suzdržan«, Skupština Unsko-sanskog kantona donijela je sljedeću:

ODLUKU

Daje se saglasnost na Odluku o privremenom finansiranju Zavoda zdravstvenog osiguranja Unsko-sanskog kantona za period od 1. januara do 31. marta 2026.godine.

Bez rasprave, sa 22 glasa »za«, bez glasova »protiv« i bez glasova »suzdržan«, prijedlog Odluke o utvrđivanju visine premije za 2026.godinu, dobio je potrebnu većinu.

S ovim je završena 8. vanredna sjednica Skupštine Unsko-sanskog kantona.

Sekretar Skupštine
Unsko-sanskog kantona
Dragana Bajrić, dipl.pravnik

Predsjedavajući Skupštine
Unsko-sanskog kantona
Nisvet Jusić